

Landesbibliothek Oldenburg

Digitalisierung von Drucken

**Dissertatio Exegetico-Critica Exhibens Vindicias
Integritatis S. Scriptvrae Qvo Ad Locvm Vexatissimvm 2.
Chron. XXII, 1.2 De Annis Achasiae**

Consentiente Venerando Theologorvm Ordine - A. D. X. Decembris A. R. S.
MDCCI ... Pro Loco Professionis Theologicae Ordinario Pvblice Defendet

**Lilienthal, Theodor Christoph Lilienthal, Theodor Christoph
Regiomonti, MDCCL**

VD18 90565665

§. XXIII.

urn:nbn:de:gbv:45:1-15091

25; eius tamen tempore nondum introductus erat cultus idololatricus Baalis, qui demum sub Achabo inualuit v. 30. 31. rege ad committenda quaevis scelera quasi vendito. 1. Reg. XXI. 25. 26. Adeo ut seueriori reprehensione digna fuerit filii Iosaphati cum pessima domo Achabi affinitas. Prophetas tamen ob hanc rationem Iosaphatum obiurgasse, historia sacra non dicit; sed ideo, quia auxilium praestiterat Achabo aduersus Syros eunti 2. Chron. XIX. 2. et consociauerat se cum Achasia Israelitico, in conficiendis nauibus Cap. XX. 35. sq. Tertium vero quod nobis opponitur argumentum, plus in recessu habet; sed insolubile ideo non erit. Vrgentem enim hic rationem adesse arbitror, a propria verborum significatione paulisper recedendi. Vocatur saepius Ioram filius Achasia: et talis re ipsa fuit, postquam eum adoptauerat Ioram. Ob eandem rationem simul Iosaphati fuit filius. Sane, si Moses a filia Pharaonis adoptatus, eius filius dicitur Hebr. XI. 24. Exod. II. 10. Act. VII. 21. multo magis hoc nomen Achasia gerere potuit, qui praeterea propinquus agnatus erat Iorami. Similiter Iosaphat Ioram et Achasia patres loasi audiunt, quia non solum eius in regno praedecessores fuere; sed etiam ob proprii parentis adoptionem maiores. Ob eandem denique Achasiae adoptionem, Ioseba eius soror recte dicitur, quae praeterea patrui eius Iosaphati neptis fuit. Notum vero est, in Scripturis agnatos etiam remotiores fratrum et sororum nomine venire (*).

(*) Conf. Gen. XIII, 6. XXIX, 15. Iud. IX, 1. 1. Chron. XII, 29. 2. Chron. XXII, 8. coll. 2. Reg. X, 13. Eodem certe gradu consanguinitatis, quo Achasiām contingebat Ioseba, Isaaco coniuncta erat Rebecca, quippe cuius aius erat Nahor Isaaci patruus. Ob istam autem cognitionem, Isaacus Rebeccam absque mendacio sororis nomine compellabat, Gen. XXVI, 7. quemadmodum in simili casu Abrahamus fecerat, Gen. XX, 12. ne vitae periculum incurreret, si illam uxorem suam profiteretur.

§. XXIII.

Constat igitur, nec Iosaphato nec Ioramo parente prognatum esse Achasiām. Quum igitur vtriusque dicatur filius; non nisi ob vtriusque adoptionem nōmen hoc gerere potuit. Si conferamus tabulam chronologieam (§. 13.) exhibitam, Achasia anno XXVIII. Assae natus, et anno septimo regiminis Iosaphati, ab hoc adoptatus videtur. Ipse tunc annum vicesimum, Ioram vero Iosaphati primogenitus annum decimum octauum egit. Nec improbabile est, reliquos sex Iosa-



Iosaphati filios tum temporis natos iam fuisse. Sed hoc non impedit, quo minus ex amore in fratrem, eius primogenitum (*) Achasiā adoptare, eumque hac ratione successionis in regno capacem declarare potterit. Si enim Iacobus ex reliquis Iosephi filii, Ephraimū et Manassēn peculiari modo adoptauit, licet plures habuerit filios Gen. XLVIII. 5; cur Iosaphat idem facere nequuerit, nescio. Non enim proximum ius Achasiae per istam adoptionem ad regnum dedit; sed remotam tantummodo ipsi spem succedendi fecit. Extant eiusmodi exempla in Feudalibus, vbi idem Feudum simul agnatis remotoribus conceditur, vt extincto forsa stemmate propinquiori, in ordine suo succedere possint. Nec sine rationibus politicis decreuisse videtur Iosaphat adoptionem filii sororis Achabi. Fortassis iam tunc de redundando regno Israelitico cogitauit: saltim proprium regnum conciliata sibi hac ratione Achabi amicitia, firmius reddere intendit. Imo quum subortos inter liberos suos simultates animaduerteret; sine dubio timuit, ne successu temporis inimicitiae ingrauescerent. Maturo igitur consilio, et regno suo prospicere voluit, adoptione filii fratris euentualem vt ita dicam constituendo throni haeredem, si forsan filii sui bello intestino se inuicem interimerent; et his concordiam simul suadere, si viderent, alium adesse, cui si paterno amore indignos se redderent, regnum relinquere posset. Ista adeoque in familiam Regiam adoptione, ad regnum quasi natus est Achasia, ad quod alias ob suam nativitatem, rerum summam tenente filiisque praedito Iosaphato, nullum iam amplius ius habebat. Et ab hoc termino anni XXII. qui 2 Reg. VIII. 26. Achasiae adsignantur, numerandi sunt. Licet enim reuera quadragesimum secundum aetatis annum egerit, quum regnare inciperet; fuit tamen simul filius XXII. annorum, ratione natae ante XXII. abhinc annos spei ad vitam Regalem.

(*) Prinogenitum patris sui fuisse Achasiā, inde colligitur; quia anno XXVIII. Assae natus est ex filia Amri, qui deum anno XXVII. Assae thronum Israeliticum occupauit.

§. XXIV.

Eundem vero Achasiā, quem Iosaphatus iam filium adscierat, Ioramus denuo adoptasse credendus est; cuius rei sequens ratio videtur. Philistaeorum et Arabum exercitus in captiuitatem abduxerat omnes Iorami filios, ita vt ei non relinquaretur filius, nisi Ioahas natu minimus 2 Chron. XXI. 16. 17. Hie vero vna eademque cum

E 3

Achasia

